

- 196 1. a. arsen, blý, zink, antimón, kadmíum, kopar eða amýlnítrít,
12. okt. b. koffeín, er nemi meira en 250 mg í 1000 cm³.

3. gr.

Aftan við 12. tölulið 8. gr. bætist nýr töluliður, svo hljóðandi:

13. Gosdrykkir, sem í er koffeín, enda séu þeir ekki auðkenndir með orðunum:
Inniheldur koffeín mg í flöskunni.

4. gr.

Reglugerðarbreyting þessi gengur í gildi 1. desember 1943.

Í heilbrigðismálaráðuneytinu, 12. október 1943.

Björn Þórðarson.

Gústav A. Jónasson.

197

12. okt.

AUGLÝSING

um bann við veiði göngusilungs við Fnjóskárósa.

Samkvæmt heimild í lögum nr. 40 30. júní 1942, um breyting á lögum nr. 112 9. október 1941, um lax- og silungsveiði, er öll veiði göngusilungs bönnuð í sjó, fyrir strandlengjunni út frá Fnjóskárósi, frá Sæbóli að Kljáströnd að báð-um jörðum meðtöldum.

Bann þetta gengur í gildi þegar í stað.

Atvinnu- og samgöngumálaráðuneytið, 12. október 1943.

Vilhjálmur Þór.

Vígfús Einarsson.

198

25. okt.

REGLUGERÐ

um skoðunargjald bifreiða og prófgjald bifreiðarstjóra.

1. gr.

Fyrir skoðun bifreiðar eða bifhjóls ber eiganda að greiða 40 króna árlegt gjald til lögreglustjóra, þar sem bifreiðin eða bifhjólið er skrásett. Gjald þetta greiðist í sama gjalddaga og miðast við sama gjaldár sem bifreiðaskatturinn.

Hafi bifreið eða bifhjól aðeins verið skrásett hluta úr gjaldárinu, þá skal gjaldið þeim mun lægra, að það verði 10 kr. fyrir hvern ársfjórðung eða hluta úr ársfjórð-ungi.

2. gr.

Fyrir próf bifreiðarstjóra greiði umsækjandi kr. 40.00.

Reglugerð þessi er hér með sett samkvæmt bifreiðalögum nr. 23 16. júní 1941, til að öðlast gildi þegar í stað og birtist til eftirbreytni öllum þeim, sem hlut eiga að máli.

Jafnframt er úr gildi felld bráðabirgðareglugerð nr. 50 frá 8. júní 1942, um skoðunargjald bifreiða og prófgjald bifreiðarstjóra. **198**
25. okt.

Í dómsmálaráðuneytinu, 25. október 1943.

Einar Arnórsson.

Gústav A. Jónasson.

Staðfesting ríkisstjóra á skipulagsskrá fyrir „Minningarsjóð Þórarins Kristjánssonar hafnarstjóra“, útgefin á venjulegan hátt að mandatum af dómsmálaráðherra 28. október 1943. **199**
28. okt.

Skipulagsskráin er þannig:

SKIPULAGSSKRÁ

fyrir **Minningarsjóð Þórarins Kristjánssonar hafnarstjóra.**

1. gr.

Sjóðurinn heitir Minningarsjóður Þórarins Kristjánssonar hafnarstjóra.

2. gr.

Stofnfé sjóðsins er 19635 krónur, er starfsmenn Reykjavíkurhafnar og nokkrir aðrir vinir Þórarins Kristjánssonar hafnarstjóra gáfu til minningar um hann við fráfall hans.

3. gr.

Sjóðinn skal ávaxta í Söfnunarsjóði Íslands eða í skuldabréfum, sem tryggð eru með ábyrgð ríkissjóðs. Handbært fé sjóðsins skal geymt í Landsbanka Íslands.

4. gr.

Höfuðstól sjóðsins má aldrei skerða og skal jafnan leggja við hann ekki minna en $\frac{1}{2}$ — einn fimmta hluta — af vöxtum hans ár hvert, en hinum $\frac{1}{2}$ — fjórum fimmtu hlutum — vaxtanna má úthluta samkv. 5. gr.

5. gr.

Hlutverk sjóðsins er að styrkja bágstadda starfsmenn Reykjavíkurhafnar, ekkjur þeirra og munaðarlaus börn. Til starfsmanna hafnarinnar teljast einnig verkamenn og iðnaðarmenn, sem hafa aðalvatvinnu sína hjá Reykjavíkurhöfn, þótt ráðnir séu með tímakaupi.

6. gr.

Stjórn sjóðsins skal falin þremur mönnum. Skal einn þeirra tilnefndur af hafnarstjórn Reykjavíkur, annar af starfsmönnum hafnarinnar og hinn þriðji af ekkjunni, og að henni látinni, af börnum hennar meðan þeirra nýtur við, en síðan skal stjórnarmaður þessi tilnefndur af bæjarráði Reykjavíkur. Stjórnarmenn skulu skipaðir til þriggja ára. Þeir skipti sjálfir með sér verkum og skulu þeir sjá um ávöxtun sjóðsins, hafa með höndum úthlutun styrkja úr honum og gera árlega reikning um tekjur hans og gjöld á árinu og efnahag hans í árslok. Reikningarnir skulu endurskoðaðir af endurskoðendum hafnarsjóðs.

7. gr.

Leita skal staðfestingar ríkisstjóra á skipulagsskrá þessari.